

集寧縣志

卷之四

四





集寧縣志卷四

藝文下

元集寧孔子廟碑

碑在八蘇木高約九尺寬約四尺有奇

上天眷命

皇帝聖旨蓋聞先孔子而聖

者非孔子無以明後孔子而聖者非孔子無以法所謂祖述堯舜憲章文武儀範百王師表萬士者也朕纂承丕緒敬仰休風循治右之良規舉追風之盛典宜加號大成至聖文





宣王遣使闕里祀以太牢於戲父子之親君  
臣之義永惟聖教之尊天地之大日月之明  
奚罄名言之妙尚資神化祚我皇元王者施行  
大德十一年七月十九日至大三年正月正  
月趙王鈞者出帑幣遣侍人廟分邑集寧建  
立大成至聖文宣王廟學碑節該欽依  
包降聖上旨事意施行大德丁未秋逝臣  
傳旨議加至聖文宣王封號臣復承乏翰林



獲預其議竊謂自古稱夫子者多矣而莫如  
孟子孟子曰自有生民以來未有孔子也又  
曰伯夷聖之清者也伊尹聖之仁者也柳下  
惠聖之和者也孔子聖之時者也孔子之謂  
集大成集大成也者金聲而玉振之也蓋言  
孔子集三聖人之事而為一大聖人之事猶  
作樂者集五音之小成而為一大成也宜加  
號大成至聖文宣王秦可爾書錫命臣復職



當其草既以頒示天下矣邇者江南浙西道  
僉肅政廉訪司事吳舉建言褒封先聖實當  
今盛典若不騰芳琬琰曷以昭示罔極於是  
省台檄下諸路勒石廟學意自本鐸聲沉千  
八百年有國家者追崇聖號非一至唐宣宗  
始進爵為文宣王宋真宗復加至聖二字是  
皆議出一時雉極徵美之稱孰若我朝取孟  
子之也為以聖 聖之深切著明也凡在郡



邑長來祇若 朝廷遵師重道 意謹庠序  
之教申之以孝弟忠信與興化善俗為務顧  
不韙歟 翰林學士臣承旨榮祿大夫知制  
誥兼修國史逢授平章政事致仕臣闕復  
首謹述 王傳文學張祿進義副尉前靜安路  
總管府判官裴克欽篆額敦武校尉前同知  
靜安路總管府事王元舉書學正完顏克敬  
治中盧廷訓李德輝董投宣授集寧等處前



民選總管府達魯花赤陳斷事官完集寧總  
管府達魯花赤吳刺兀總管完顏克孝同知集  
寧縣達魯花赤王郎黑台縣尹裴權教授王  
叔凱學錄賈瑞教諭王光祖等立

皇慶元年春正月雲中檢司提石匠宋德  
楨眷男宋珏鑄

集寧縣設治記

集寧舊邑也其劃分為縣之始固難詳其年



月然自元以前或未有也此地原名老窩嘴  
距四十里曰八蘇木有碑屹立乃元大德十  
一年加封孔子大成至聖文宣王額曰集寧  
大王廟今仍以名縣復其舊也溯自往代以  
迄清季往往視為殊方異域不為加意凡內  
外蒙士在周為玃狁在秦為匈奴在漢為單  
于在唐為突厥為回紇為契丹在遼金為蒙  
古今仍之為蒙族各以旗盟別之然已先後



設郡縣矣自民國成立五族共和改熱河察  
哈爾綏遠為三特別區各設都統以治之此  
為察區縣屬之一慨自有國家者大都詳於  
腹內而畧於邊徼故區域雖廣恒為治績所  
不及嘗有數十百里為人跡所罕到者雖由  
部令規定放荒設局招墾然嘗苦於邊地荒  
涼氣候不齊盜匪出沒無敢過問今江蘇楊  
公寄生名葆初久於察者既駐豐鎮長墾局



有年洞悉邊情因條議於長官謂豐局所轄  
荒地偏在西北一望無垠每歎鞭長莫及洎  
乎鐵路通行此地為張綏軌線適中之孔道  
於是商賈輻輳游民雜居悉於適茲樂土為  
窳建發展之基凡百營業必其日上蒸蒸日上  
此間實扼庫綏要衝商旅出進必由之路故  
風聲所播有爭先恐後之概今擬擇地制邑  
宜取殖民主義如欲殖民莫善於此應請以



豐局移於老窩嘴即京綏路新設車站之平地泉是也可改為招墾設治局云上躡其議許之此民國九年十一月事也而已籌議設治委員劃界割察屬之豐鎮陶林興和涼城四縣之地而居其中其頃故各有差至十年夏始設局於是其初居民僅十餘戶多農民固陋不達於政治房舍皆以上為之求一布凡之地而不可得楊公初至乃斬茅發石相



與徒步周歷高下躬率而指導之相度地理  
擇宜規為縣治田城之中星棋布幹道分東  
西南北四門蓋取方城之式條理井井朗若  
列眉計東距賈家約一里西距車站約二里  
北距霸王河約三里南接老窩嘴北西山下  
已形勢大具矣其縣公署則居城之中樞為  
一方所趨向四會之觀瞻規模亦頗遠大凡  
廳堂廊院與各科辦公之地既無不備乃於



署之東建警察所及學堂署之西建監獄而於北門外建營房此固設治之成例不足為楊公多也乃以地處四山之中夏雨水漲會山泉暴湧民間廬舍常苦漂沒之害則為之濬城濠通溝洫以消水患平時夏秋早曠居民汲飲苦無所取建築則尤為困難則於城內外為之鑿井數十處城北霸王河其流四時不竭凡興和陶林商都往來皆經之及遠



通庫倫大道而平時牛馬皆不敢渡稍有南  
則泥濘不可行則為之築堤建橋並通商惠  
工尤貴集合於署前則為之建市場於城內  
外則為之築馬路闢商場五畝樹桑農業為  
本於署後則為之開苗圃於附北門為之立  
工場此皆犖犖大者綜之以上各項需費鉅  
大又原議不攤捐民間一錢悉由挾資來集  
者建築籌之然羅掘則人民滋怨姑息則一



事莫舉予諸民者不曰惠取之民者必曰苛  
此其大難也故所設施迄未克醇初志在楊  
公自謂每一無衷頗耿耿耳其言曰一邑之  
治故小然其歷畧亦有足述者當設治立議  
之初為前都統張公叙五印景惠與前政務  
廳長洪公敬民印維國實業廳長饒公鼎三  
印應銘繼任廳長章公廕三印啟槐慨然嘉  
許王持甚力故進行得有今日護任都統譚



帥英圍印慶林實業廳長龍公麟振印驤同  
臨舊治督促如前時設治事宜行將告蕝一  
切未竟之功有所東承何其幸歟今都統張  
帥煨民印錫元政務廳長王公莘耕印福田  
財政廳長余公各逸印詒實業廳長郭公惟  
一印宗道興和道尹薛公綬珊印慶崧警務  
處長張公王紱印壁凡於地方善政提倡惟  
恐不至許自奉命來茲設治其間雖幾歷艱



辛幾經拂逆幸賴層峯信任維持始克有斯  
依據由經始以迄觀成異日此邦凡所造福  
於民者皆感數公之盛德先後提挈而嘉賚  
之也藉曰有功曷敢自詡焉雖然此楊公之  
勇於任事勤於恤民而不自矜其功者亦古  
之君子之道也豐備員衆院任再三年國難  
莫舒民困滋熾愴怵時艱徒增內疚投老邊  
陲聊以避囂而已會楊公設治集寧又值縣



署告成屬余為之記亦曷敢以不文辭余持  
即其事實之彰彰在人耳目者為之紀載至  
於摛詞揚藻以為楊公潤色盛事則非豐之  
所能也湘鄉李子吳劍豐識

楊公橋記

凡人利民濟物之心不必侈識其遠者大者  
但實有濟於民者能成一二事遂使羣衆利  
賴之至於不朽其初王義之人與共成其事



者恒令人有永久不可忘焉今有初經設治之集寧縣城北約三里許曰霸王河水自西趨東四時不竭沿岸皆高山綿亘百數十里南北相距約二里夏雨水漲彌漫長流無可通行此尚其暫也平時水涸輒寬深數尺或南北分流迴環曲折然其地東毗興和商都西界後地陶林復為往滂江庫倫要道行李往來悉於是經北地馬牛但慣陸行見水勢



奔流則驚怪反走不敢前故凡行旅行車輛  
運載至河岸恒相顧有難色驅者或一人涉  
水牽馬牛自為先導急鞭之始得渡或稍不  
順遂顛蹶水中牛馬沉溺泥沙者往往不能  
自動亦有因之折足者車或重載則輪破軸  
斷亦所常有至徒步之人檢裳跣足尤無論  
矣水淺狹不宜於舟斯河之為人民苦者蓋  
自有山川以來以迄今日不能紀其歲月及



受損之人若牛馬也人民固無策執政者又無意及之徒付之咨嗟慨歎而已歲壬戌江南楊公寄生名葆初以奉長官命令來集設治舉凡規畫悉以便人民為務如築城鑿井闢馬路濬城濠導河流建市場開苗圃興學校立工廠諸善政既先後備舉已俱有規模矣而尤以斯河久困行人為念遂毅然主義建橋築堤謀之邑紳張琦子玉張呈藻子蘊



張文烈書常王銘元獻廷王君尤力贊其成  
相與計畫即日量地鳩工鑿石為橋壘土為  
堤堤達南北兩岸長約三里石橋三道通上  
下水勢以暢其流王君勤於督工不數月而  
橋與堤成凡左右鄰縣及他往來與車馬行  
人過者無不歡以為夢想所未獲者而今以  
後無復病涉之苦矣民人德之無以名之名  
曰楊公橋亦崇德報功之微意也劍豐以國



會久閉幕無意政治思覓空疏之地以資息  
影楊公方設治於斯遂假一席之地以為文  
酒往來適斯橋告成邦人君子交稱其事遂  
喜而為記麤述梗畧俾後之履斯橋者知前  
此徑行之苦思創義之楊公於不置也昔者  
子產以乘與濟人溱洧孟子譏之蓋為政之  
道在計其久遠匪姑息之為惠也世有牧民  
之責者恒體斯意幸矣曷僅橋然乎哉民國



十一年五月三十一日夏歷壬戌五月五日  
三等嘉禾章國務院諮議第二屆國會衆議  
院議員湘鄉李子吳劍豐識







五神廟記

自來都會繁盛之區必賴地方長官以資撫  
治然未有不遵奉神靈以冀庇佑者本無規  
定之成法然社會人心若有自然之趨向焉  
孔子謂鬼神之為德其盛矣乎視之而弗見  
聽之而弗聞能使人齋明盛服以承祭祀夫  
惟弗見弗聞覺神之如在其上如在其左右  
一若能窺察隱微有無在不見無在不聞者



故曰神之格思不可度思矧可射思所謂憑  
依在德若與地方長官其模範人心有隱隱  
相關者夫長官之賢能但能防杜於禍患之  
未然制止於事實之已然至清夜幽獨之中  
方寸隱微之地有非人所及察者於是輔之  
以神故善者降之百祥不善者降之百殃則  
明無逃於刑章暗難免於神同而民之不向  
善者不亦難乎辛酉秋江南楊公寄生名葆



初來設治於斯其初此地土人呼為老窩嘴  
及鐵道成立改為平地泉今既設縣治則曰  
集寧縣名雖先後異而地則一也老窩嘴者  
指山而言山雖不高而巨石磷立奇特崢嶸  
如獅形然土人謂其有靈其信然乎楊公既  
於其山之北築城濬壕建設衙署及各公所  
已次第就緒而縣署與山實相照應其時商  
賈相率雲集各方豪富購地營宅者接踵而



至迄壬戌春夏遂成一大都市矣人民之意  
以為鑿井建屋一切營造悉以金木水火土  
為用豈可無神以佑之因擬於山麓之北建  
一廟曰五神廟羣請於楊公遂欣然許之酌  
取公資以事建築曾未幾時而廟工告成遠  
近人民恒瞻仰之楊公之勤於愛民可謂無  
微不至矣惟自新學日倡事神則曰迷信每  
竊笑而非議之余謂信則可矣迷則不可何



以言之信者敬而事之歲時以社會公意聚  
而祈禱祝全境之安寧而已若日事齋醮拈  
香拜祝不先去其心之惡念將恃神為掩過  
之具斯則迷矣神亦安得而祐之孔子曰敬  
鬼神而遠之是可敬而不可媚也然媚尤迷  
之甚者如事人然倘無自善之道作奸行譎  
第泥首頂禮日拜跪於尊嚴之前長官賢者  
鮮不惡其愚且賤安得愛之重之乎事神何



獨不然蓋神之為德無往不察非僅觀人於捧  
香入廟時也余以偶止於斯適廟告成楊  
公屬余紀其事雖然若廟若神余固願人民  
之信仰然恐其信而即於迷故反覆推論之  
特以斯廟之建楊公既順民意以為之則都  
人士宜昭敬慎庶有舉莫廢也謹以祝斯廟  
之興發者祝社會亦與之俱興發焉幸矣是  
為記湘鄉季子吳劍豐識



過集寧訪楊大令寄生 董玉書

集寧舊路稽元代碑碣猶存紀載詳

距縣八十里有孔廟碑

啟闢山林新設治縱橫闡闡已通商壺觴餉  
客賢東道士馬如雲古朔方口北可居龔子  
說一廛倘受願為氓

集寧縣署大堂楹聯

為政敢言勞創造雖艱不以衙齋當傳舍  
有情皆可白休戚與共莫將官府視尊嚴



縣署東燕喜堂楹聯

薛慶崧

四鄉父老是嘉賓把酒聯歡要識所民多疾苦  
百里荒蕪成沃壤登堂矚目居然此地集農商

又一聯

楊葆初

曲徑闢三弓此地無忘來燕日

小園留半畝他時倘憶種花人

又一聯

董玉書

小築地無多却宜潘岳栽花陶謙種柳



遠來朋亦樂正好秦關話月漢室看雲

集寧公園楹聯

此地好山川徒埋沒荒烟蔓草望漢室秦關  
英雄何在魏都元省王氣俱銷大漠闢奇觀  
任我來看千里月

名園新結構更掩映白石清泉把呼鷹走馬  
野俗潛移曉角秋笳悲歌頓改流風傳韻事  
與民同樂四時春



又一聯

山川劫後總成塵  
闢世界清涼沂水春  
風意冠樂

園沼天生無限好  
距故鄉咫尺長城夜  
月盡看圖

楊公橋聯

楊葆初

山水向東流  
每苦行人渡  
溱洧河堤通北道  
敢將政績比歐蘇



敬贈楊大令寄生

受盡千萬般閑氣

拓開五百里荒原

李文忠公督北洋時自撰一聯云盡受天下百官氣養成胸中一段春懸之廳事寄生大令設治集寧未及三年已成縣治有費周折忍受已多仿文忠故事屬書因以下句續之予又曾見板橋聯云撐大肚皮



受氣磨堅牙齒喫虧在昔已然何論今日  
幸寄生魄然火腹勉於容受開邊首功自  
不朽也

集寧縣志終





